

Q. F. F. Q. S. 35
SPECIMEN ACADEMICUM

exhibens

PARTEM PRIOREM

LATINÆ

ΠΑΡΑΦΡΑΣΕΩΣ

VATICINIORUM

ALEXANDRÆ LYCOPHRONIS,

Quam

*Cum Consensu Ampliss. Facult. Phil.
in Reg. Acad Ups.*

PRÆSIDE

VIRO Amplissimo Clarissimoque

MAG. OLAVO CELSIO

Græc. L. Prof. Reg. & Ordin.

*Ad publicum Bonorum examen modeste
defert*

S:æ R:æ M:tis

Alumnus

ZACHARIAS N. PLANTIN

W-B.

*Ad diem 6. Junii An. 1706. horis solitis in Audi-
torio Gustaviano Majori.*

UPSALIÆ,

Per J. H. WERNER, Reg. & Acad. Typograph.

H. Nordbe.

Reverendissimis in Christo
**DN. MATTHIAE
STEUCHIO,**

S. S. Theol. Doctori longe celeberrimo, inclytæ Diœceseos Scaniae & Blekingiae Episcopo eminentissimo, Academiae Carolinae Pro-Cancellario magnificentissimo, Avunculo ac Patrono filiali obsequio perpetim prosequendo.

Diu est, Mecenates, cum fulgentissima Vello: at occasio, qua, latens animo obigitur Vestra, Reverendissimi Patres, mea ope tenebris, quibus jam diu ejus est; non aliud magis, quam Vestris notis desideris, quo a malevolorum calquidem precor, interim augustos vulmini. Vivite denique felices indefessi literarum sustentur, atque ut diutis precor

Reverendissimis V.

Patribus ac Dominis

**DN. GEORGIO
WALLIN,**

S. S. Th. Doctori longe celeberrimo, per Norlandias Occidentales Superintendenti eminentissimo, Venerandi Consistorii Gymnasiique, quod ibidem est, Ephoro gravissimo, Patrono omni honoris cultu ætatem devenerando.

stra nominata tacitus apud me veneror & conservantia se explicaret, defuit. Ad limina Alexandra vates, depulsis qualicunque oracula laborarunt, venerabunda nunc adminibus longe lateque literarum meritis per Adeste, quæso: Mæcenates, innoxiiis virgiculis tutior, in scenam prodeat. Magna tus in leves pagellas demittere ne gravemusarum Atlantes, quorum humeris fata sine ac prosperrime sustineantur, ex animo

Nominibus

æternum devotissimus

Z. N. P.

A. & R.

Nobilissimo Amplissimoque Domino

**Dn. JESPERO ERN-
CHREUTZ,**

Officinarum ferrearum, ac imprimis instru-
mentorum Bellonæ fabricarum, Patrono ac
Directori, ut olim Nutritio propensis-
simo, sic nunc Promotori cer-
tissimo.

Nobilissimo Spectatissimoque Domino

Dn. ELIÆ SALIN

Supremæ Cancellariæ Regiæ Actuarius lon-
ge meritissimo, Evergetæ quovis officio-
rum genere semper colendo.

Spectatissimo Amplissimoque Domino

Dn. HERMANNO VALLERAV,

Quæstori per Uplandiam adcuratissimo, Pa-
trono & Benefactori benignissimo.

Spectatissimæ dignitatis

Dn. ERICO SORRE/

Senatori Lulensium æquissimo, adfini
amantissimo.

Dn. OLAVO ANTEMAN/

Senatori Lulensium prudentissimo
amico colendo.

*Leves hasce ingenii primitias alia nulla re quam
Nominibus commendabiles*

Maxime Reverendo Præclarissimoque

Domino

Mag. ERICO FRONDIN,

Pastori in Wähla orientali annis meritisque
dignissimo, & adjacentium Ecclesiarum Præ-
posito gravissimo, olim Nutri-
tio optimo.

Maxime Reverendo Præclarissimoque

Domino

Mag. ABRAHAMO BURNMAN,

Pastori in Offerdal Jemtlandorum longe me-
ritissimo, adjunctarumque Ecclesiarum Præ-
posito adcuratissimo, Adfini & Benefa-
ctori ad cineres devenerando.

Spēctatissimo Humanissimoque Domino

Dn. JOANNI KENSHORN,

Prætori per Lapmarchias meridionales per-
industrio adfini optimo.

ac prudentiæ Viris

Dn. JOHANNI STEERNER,

Senatori Pithensium perindustrio.

Dn. ARENDIO KENNEMAN,

Senatori Lulensium solertissimo.

Nobiliss. Ampl. Spect. Consultiss. Prudent. Vestr.

D. D. D.

A. & R.

Praefatio ad Lectorem.

QUOD olim de Heraclito, cui ab omni ævo cognomen tenebrofi adhæsit, dictum narrat Laërt. Diog. l. 2. c. 22. Eum, qui ejus scripta intelligeret, Δηλὴν πνὸς κολομβητοῦ δεισθαι, addit Suidas, εἰς τὸ μὴ ἀποπνιγῆναι ἐν αὐτῷ, id jure meritissimo Lycophroni adplicaveris. Inter omnes namque Poëtas, quorum justa opera ad nos Græcia transmisit, omnium obscurissimum existimo. Hunc olim vir illustris Josephus Scaliger, Jambis Latinis reddidit, sed iis judice Borrichio, de Poëtis p. m. 32. oppido obscuris, & obsoleti, rancidique styli, de industria haut dubie, ut ostenderet non deesse etiam Latinis obscurandi facultatem. Canterus verba auctoris κατὰ πόδα sequutus, Lectorem destitutum subsidiis aliis, cupientemque sine ambagibus scriptoris mentem oculis subjicere, iisdem tenebris involvit. Hæc itaque Lycophronis particula, novo Quiritium jure a me donata, qualiscunque est, certe simplex ac incomta, sive laudi, sive vitio danda, tota mea est: quemadmodum vel me tacente procul dubio, stylus humi repens, abunde argumento legentibus erit. Si minus tibi B. L. hæc versio satisfaciat, cogita, hunc auctorem etiam eruditissimorum adeo exercuisse ingenia, ut aperto ore necessum habuerint fateri, se omnia non capere. Idcirco nihil mirum me homuncionem quam sæpissime impingere & cœcutire, qui ἔδρῳ ἢ ἀμβροσίᾳ τρεφόμενος καρπὸν ἀρούρης ἔδω. De ipso auctore nihil attinet dicere, cum libri qui de Poëtarum scriptis ac ætatibus agunt, de hac re consuli possint. Hoc tantum ex Borrichio addo; *Solitum Lycophronem dicere, se confestim violentas sibi illaturum manus, quamprimum in quendam incideret, a quo poemata suum intelligeretur.* Vale & innoxiiis conatibus fave. Interea

- - - *si quid novisti rectius istis
Candidus imperti: si non, his utere mecum.*



ADsum rex Priame,
ultima ab origine,
quæcunque a me
scire cupis perspicue
expositurus. Si ve-
ro ultra, quam servum deceat, pro-
ducatur oratio, facias, quæso, neces-
sitati gratiam. Non enim, ut an-
tea in rebus minoris momenti, quie-
to ac modico percita furore Ale-
xandra virgo, ambiguis resolvit
ora vaticiniis, sed propiore Phœbi
adflata numine, immenso confusoq;
clamore, urgente fatidica lauro,
quam more vatum ore exceperat,
Sphingi Thebanæ simillima, quæ
sui ænigmatis obscuritate multos in
ultimam perniciem mortalium de-
duxit,

duxit, vaticinatur debacchaturque. Horum quæcunque mens memoriaque suggerit, tibi Rex, debita reverentia aperiam. Interim oro, ut animo ante actarum pariter ac imminentium rerum dijudicatione sagaci, obliquas Alexandræ vaticiniorum ambages etiam atque etiam volvas: ac me duce facili apertaque via, recto itinere ad earum historiarum intellectum utaris, quæ ab hominum sensibus remotissimæ densissimisque tenebris absconditæ sunt. Ego vero sine ulteriori præloquio, tanquam qui cursu certaturus, pedum pernicipitati confidit, moræ impatiens, rupto silentio, laxatis quasi funibus, quibus carcerum repagula adstricta, tortuosam vaticiniorum ejus adgredior narrationem.

Aurora Pegasi ex Medusæ prodeuntis collo levata pennis (Pegasus hic excusso propter superbiam Bellerophonte, Jovis dono, ob adsi-

duam

duam in ministrando diis hominibusque lumine operam, in Auroræ usum cessit) Phagii montis, qui orientem spectat, jugum superaverat, Tithono, tuo rex Priame, fratre, eodem quidem patre Laomedonte, sed matre diversa, Rhœone nato, in cubili prope Cernem insulam imbelli ac langvido ob ætatem relicto. Hoc animadverso, Paridis nautæ, quorum opera itinere in Græciam usus, navium retacula exesis reflui maris æstu adligata scopulis solvebant: Laxatisque ancoris mare, cui submersa a virgine Helle, Hellesponti nomen datum, navibus, multipedis animalculi instar, plurium agitatis remigio, & ut tuum filium decebat, varietate colorum, nigro namque alboque distinctæ, condecoratis, remis sulcabant. Quibus navigiis exstruendis Phalacra unum quatuor Idæ promontoriorū Phereclo artifice materiam præbuerat. Hi nau-

tæ ultra Calydnas insulas agro Tro-
 jano objectas, navigantes, aplustra,
 suoque nitore albicantia vela, se-
 ptentrionali vehementissimo plena
 expansaque vento, ostendebant.
 Alexandra interim captiva in sum-
 mis Ates collibus, ubi Ilus olim
 fortibus monitus, vestigiis bovis in-
 hærens, Ilium condidit, Deo ple-
 na fatorum seriem ipso ab initio se-
 quenti narratione referat. Heu
 heu Troja! quæ admoto quasi u-
 bere nutricis vicem functa, me pri-
 ma lactasti, nunc mihi gravissimi
 luctus causa es. Antea hostili sex
 navium classe, lecto virorum one-
 rata robore, ab Hercule leonina in-
 duto pelle, quem Jovi Alcmena
 per trinoctium obsecuta peperit, de-
 negatis, quos ipsi rex Laomedon,
 liberata Hesiione filia, promiserat,
 immortalis ex semine equis, ignibus
 hausta excisaque. Enimvero hunc
 immensæ molis ferratis asperisque
 dentibus carcharias canis, pascen-
 dus

dus carnibus, agro Trojano, ob
 perjure denegatam mercedem,
 quam pro locata in muris extruen-
 dis opera, rex Laomedon pendere
 debuerat, a Neptuno immissus, tan-
 quam rem facili opera absumen-
 dam deglutivit. Evasit tamen,
 mortem crudelis ille meæ patriæ
 vastator, suorumque liberum, ac
 uxoris Megaræ, immissis a Junone
 furiis, immanis interfector; & ex
 nativo belluini ventris calore capi-
 tis tantum cæsarie amissa, integer
 ac vivus, disseccatis intestinorum
 claustris, luci redditus est. Eo etiam
 impudentiæ processit, ut neque Ju-
 noni novercæ, Jovis namque illa
 & soror & conjux, quæ a Nelei sta-
 bat partibus cum Pylum oppugna-
 ret, parceret; sed pectus non alias
 facile vulneribus obnoxium, gravi
 sagitta destinato ictu, percuteret.
 Idem purgato Eurystei jussu Augeæ
 stabulo, promissa fraudatus merce-
 de, Elide igni ferroque vastata, se-

culorum memoria celeberrimum, prope Saturni editum collem, Olympum montem, ludicrum instituit. Ubi provocatis omnibus, nulloque audente certaminis fortunam experiri, Jupiter habitu palæstrico, unde ei luctatoris nomen inditum, se ei obtulit. Hunc Hercules medio in stadio, nescius quis esset, medium arreptum, constrictum eo in loco tenuit, ubi gigantis Ischenii, qui, ut patriam peste adflictam liberaret, ceteris fortem oraculo proditam implere recusantibus, se pro ea devovit, celebratur sepulcrum. Cujus ad tumuli conspectum, cum incertum unde coorta trepidatione equi consternari soleant, Taraxippi nomen meruit. Ab Hispania redux cum fretum, quod Italiam a Sicilia dividit, transmitteret, Scylla, quæ rabidi marini canis instar venationi piscium dedita, omnes ejus recessus infesta obsederat, boum aliquos, quos a Geryone

ryone acceperat, leænæ ritu macta-
 tos, abstulit. Hercules ira accen-
 sus, hac de causa eam vita exuit.
 At pater Phorcus combusto prius,
 de more, corpore, Proserpinæ infe-
 rorum Deæ ereptam obsequio cum
 immortalitatis lucro vitæ restituit.
 Tandem Eryenum fluvium cum
 Deianira uxore transiturus, Nes-
 sum portitorem, ob intentatam
 Deianiræ vim, missis sagittis de
 medio sustulit. Exceptum deinde
 vase Centauri venenatum sangvi-
 nem, uxori addito joco servandum
 dat; Ut si ea relicta aliarum secta-
 turus esset aliquando amores, posset
 in ejus amplexus, Nessi inuncto ve-
 stibus sanguine, reduci. Non mul-
 to interjecto tempore Joles amore
 captus, missam a Deianira sto-
 lam pestifero Centauri cruore in-
 fectam, sacris operaturus induens,
 in insaniam actus, se ipse ardenti
 immisit rogo. Atque adeo qui
 olim Cerberum ablaturus, Plutonis

salutaverat limina, inermi dolo, a
 fatis functo. interfectus dici pot-
 est. Rursum Æaci pronepotum o-
 pera, Epei scilicet dolo, qui dura-
 teum construxit equum, & Pyrrhi
 virtute hauriendæ ignibus patriæ
 ante oculos obversatur imago: fa-
 talique lege positum video, Te,
 Troja, Græcorum prius non acce-
 pturam jugum, quam Pelopis Tan-
 tali filii, quæ rogo superstuerunt of-
 fa, ab ejus nato Letreo in cogno-
 mine Elidis urbe Letrinis condita,
 Trojam deferantur. Additis etiam
 telis, quæ Hercules a Teutaro Scy-
 ta Amphitruonis bubulco accepe-
 rat, quæque eo mortuo Philocteti
 cefferant. Hæc fugiunt quidem
 Græcorum conscientias; at Alexan-
 dri uxor Oenone, justo pariter ze-
 lotypia excitata stimulo, simul Ce-
 brenis patris efferata probris, ægre
 ferens Helenam, mulierem pere-
 grinam, se rejecta, in tori socie-
 tatem ab Alexandro adscitam, misso
 in

in Græciam Corytho filio, meæ suæ
 que patriæ proditore, occultam fa-
 torum seriem de industria aperiet
 ac nudabit. At eadem medicinæ
 scientia domi forisque nobilis, con-
 specto olim Alexandri immedicabi-
 li ac mortifero vulnere, quod Phi-
 loctetes Lemno Trojam delatus, sa-
 gittis veneno infectis, quibus in-
 gigantibus domandis usus Hercu-
 les, singulari certamine cum eo con-
 gressus, infliget, summo e turris fa-
 stigio vibrato cum impetu corpo-
 re, in caput revoluta juxta morien-
 tis Alexandri cadaver communem
 obibit mortem, desiderioque stimu-
 lata conjugis supremum diem jam
 claudentis, exhalabit animam. Heu
 heu! bis terque gravissimis gemi-
 tibus tuam vicem, dulcissima mihi
 patria, anxia deploro: quæ tantas
 belli clades, tot ædium ruinas, fœ-
 diffimamque direptionem, tanta
 deniq; incendia cuncta solo æquan-
 tia olim obitura sis. Tuis inquam
 Troja

Troja fatis, ubi Dardani, quem Jupiter ex Electra Atlantis genuit filia, celebratur sepulcrum, ingemisco. Dardanus hic olim Samothrace insula, Zerintho ejus loci antro, Saoque promontorio munitissimo, ubi Corybantes canum mactationibus Hecates operantur sacris, relicto; nullo comitante confuto utre scroteo revinctus, quadrupedis apri instar, quem solivagum, Danubio rigata alunt nemora, fulicæque avis, cujus Rhithymnia maritima Cretæ urbs ferax, in Phrygiam eo enatavit tempore, quo mortalium & potissimum Lycaonis compulsus nefandis iceleribus Jupiter, demissis cum strepitu pluviis terram adeo inundaret, ut turres quamquam firmissimæ aquarum irruentium viribus cedentes corruerent, hominesq; ultimo oculis obversante periculo, frustra natando vitæ consulere niterentur. Hoc rerum articulo balænæ, phocæ, delphinesque facta

facta sibi latius evagandi licentia, in
 mortalium irruentes cubiculorum
 claustra, glandes, uvas, omnisque
 generis sibi antea non visos arbo-
 rum fructus depascuntur. Adhæc
 video Paridem grypis instar, æqua-
 tis velis, tanquam alarum remigio,
 ad Helenæ, quæ columbas salacitate,
 canes adeo impudentia vincit, ut
 morte dignissima sit, raptū cum im-
 petu ferri. Hanc Læda Jovis, sub cy-
 gni paludosa amantis loca specie,
 mista amoris, actis mensibus circum-
 tectam ovi testa, in lucem edidit.
 Ad te nunc, Pari, meticulosissimum
 pariterque fœdis libidinibus diffu-
 entem nautam mea se convertit o-
 ratio. Emetiendum tibi in Laco-
 nicam iter viam mortis ad claustra
 inferorumque sedes, non lento gra-
 du, sed præcipiti cursu aperiet. Nec
 te ut antea cum in Jda monte de-
 gens, Priami patris bobus pascendis
 eorumque stabulis purgandis operam
 tuam comodares, pulcritudinis ter-
 nas

nas inter Deas, Minervam, Junonē,
ac Venerem, manet arbitrium. Sed
pro stabulis ac dulcis vitæ pastora-
lis otio, infame tempestatibus mare,
quod Onugnathi in Peleponēso pro-
montorium (Asini maxillas inter-
pretantur) urbemque Laconicæ
Lan adluit, trajicies. Pedum pastora-
le, boum præsepe, ovium caulæ, quas
toties injuriarum cœli aërisque se-
curus frondenti implevisti pabulo,
barbarica Phereclo artifice confecta
navi, cuncta tibi mutanda sunt.
Hac gemina Laconicæ ostia, (Thyri-
das, ob portarum quam referunt
speciem, vocant) Gythiumque spar-
tæ navale, penetrabis. In quo firma-
tis ad petras ancoris, æstuantis pelagi
furorem remorantibus, tuam na-
vim cum reliqua classe undarum
jactationibus eripies. Huc delatus
Helenam, lascivam illam juvencam,
infaustis multorū expetitam nuptiis;
jamque Iphigenia, quam Theseo, ac
Hermione, quam Menelao peperit,
filiabus

filiabus, moribus columbis simillimis, orbatam, ambibis. Hæc olim a Theseo septennis rapta, nunc a te quamquam peregrino, formæ venustate victa, amorisque æstro, tanquam retibus, quæ plumarum ornatu distincta, feris terrendis expandi solent, capta ac implicata; Deæ Leucotheæ nymphisque marinis, somno territa, ovium libamina in littore adolitura, captiva abducetur. Tum voti compos, lupi instar venatorisque præda exultantis, ultra scandeam Cytherorum navale, Ægiliq, quod in Peloponneso Laconicæ promontorium est, spartanorum insequentium metu, in Ægyptū ita cursum directurus es, ut primum tamen amoris impetum in salamine insula effundas. Hæc olim Cychreo, cui a morum ingeniique ferocia, Draconis nomen additum, paruit: Nunc Atheniensium, qui à Cecrope biformiū, ab Erichthonio terrigenarū meruere nomen, imperio regitur, Hinc

Hinc solvens, impuræ ac volgivagæ
 Veneris deliciis non amplius fruitu-
 rus, somno expergefactus, pro He-
 lena, quam te sinu fovere putabis,
 inane simulacrum vanumque am-
 plexamentum, ulnis palpabis. Pro-
 teus namque vitiorum accerrimus
 osor, olim Ægypto relicta in Thra-
 ciæ partem, cui Phlegra nomen, se
 contulit. Hic Toronæ junctus ma-
 trimonio, duos ex ea, Tmolum &
 Telegonum, suscepit filios. Hi cū
 immani feritate hōspites lucta victos
 miseris modis occiderent, crudelita-
 tem eorum pater exosus, fufis ad
 patrem Neptunum precibus, oravit,
 ut Pallenia relicta, eo namque
 nomine etiam Phlegra venit,
 quæ gigantas & genuit & aluit, se in
 Ægyptum, quam Nilus, qui & Tri-
 ton dicitur, suis alveis, hinc inde
 ductis quasi aratro sulcis, dividit, se-
 ptemque ostiis se in mare exone-
 rat, reducem sifteret. Pater exauditis
 precibus nō navi vectum sed invia
 subter mare via talpæ instar in æ-
 gyptū

gyptum deduxit. Proteus in patri-
am redux, cum resciret filios suos in
meritas ipsis pœnas ab Hercule
morte mulctatos, nec eorum læta-
tus est obitu, quia filii, nec indo-
luit, quia improbi; adeoque nec in
luctum nec lætitiā effusus severi
ac constantis viri laudē meritus est.
Hic, inquam, Proteus, cujus res ge-
stas orationi meæ inserui, te, Pari,
tanquam Guneus Themidis, justi-
tiam sic vocant, quam sol genuit,
cui a Macedonia ac Thessalia ur-
bibus Ichnis (utrobique namque
colebatur) Ichneæ etiam nomen
datum, apud Arabes minister ac
præses, acerbis oneratum convitiis,
Helenæ meretricis, quæ columbis
libidine non cedit, tum maxime æ-
stro amoris insanum, amplexibus
excutiet. Adhæc cum Lacedæmo-
nii peste oppressi, ex oraculi monitu
Menelaum, unus namque nobilium
hoc itinere defungeretur, Prome-
thei filiis Lyco Chimereocq; iusta so-
lutorum, Trojam sint ablegaturi, illū
cum

cum fociis hospitaliter fovebis,
 communisq; mensæ pignore, adposi-
 to ei de more in amicitiiis contra-
 hendis solemni fide, tuis studiis ad-
 junges. Mox Menelaus amafii sui
 Anthei perfusum sanguine excipiet,
 contractamque antea iisdem riti-
 bus apud se confirmabit amicitiam.
 Tu tamen, O nefandum caput, mu-
 tua hæc conjuncti animi fœdera
 haut in magno habiturus numero,
 conculcata omni justitia, commu-
 nisque mensæ sanctissimo jure vio-
 lato, summa imis confundens, divi-
 na humanaque jura sustinebis trans-
 gredi. Sed quis miretur? ursæ, quæ
 te expositum admoto ubere aluit,
 ingenium ac mores exprimes. At
 justa ultio tibi a Proteo imminet.
 Hic, quamquam ad modos musicos
 micantibus digitis chordas lyrae
 quam artificiosissime pulsaveris, He-
 lenam tamen tibi redditurus non est.
 Sed citharædorum ritu auditorum
 auribus molestiam creantium, nullo
 accepto

accepto laboris præmio inaniter operam ludes. Gembundus tandem Trojam ab Hercule, ut dictum, olim excisam, redibis, ac Helenæ bacchabundæ illius feminae, cujus nuptias quinque ambierunt, quæq; Pleuronæ nomine a Pleurone materni generis auctore venit, non nisi umbram ac simulacrum tecum adferes. Parca namque, Oceani Deorum antiquissimi & Thetyos filia, quæ ob fatorum inæqualitatem, claudæ creduntur, triplici nevere stamine, ac æterna inevitabili-que posuere lege, ut a maritis quinque, Helenæ nuptiarum celebrarentur sponsalia. Ac primos quidem Theseum ac Alexandrum rapacibus lupis simillimos, aquilarum acutè cernentium ritu, quas a testium numero triorchas vocant, in sui rapinam cum impetu ferri Helena videbit. At Menelaus horum intermedius, qui maternum genus ad Atlantem in Africa, cujus Plynus

B

urbs

ΔΠΔ
VHV
ΔΠΔ
VHV

urbs est, paternum ad Pelopem e Phrygia oriundum, ac postea in Peloponneso, ubi flumen Caricus est, commorantem, refert, eam justo titulo sociam tori habebit. Menelaus hic ab Aerope matre Crætenfi semi-Cres, ab externa avorum origine barbarus, ab Hippodamia in Elide a Pelope ducta, Eleus dictus est; adeoque ortu sincere Argivus dici non potest. Hujus avi paterni, Pelopis puta, humeri cartilaginem, Ceres, Siciliae incolis ab Enna urbe, insulae umbilico, Ennea, Hercynna a Trophonii filia, qua cum Proserpina ad ejusdem nominis amnem ludos agitabat, Arcadibus Erynnis, Bæotiis Falci-fera dicta, multas indignanti animo, Proserpinam requirens, emensa terras, tandem ad Tantalum, filii sui Pelopis mactatione hospitalitatis gloriam ambientem, divertit; Ceterisque diis a funestis hisce dapibus sibi temperantib⁹, sola, Ceres, partim in-

intercepto ob furorem oculorū usu,
 partim proluxi itineris inedia, mi-
 nutatim dissecatam, avido ventre,
 tanquam sepulcro, condidit. Eun-
 dem hunc Pelopem bis natum ac
 juvenem, (semel namque parenti-
 bus genitus, iterum a patre Tanta-
 lo divisis membris Diis adpositus,
 eorum ope vitæ redditus), Neptu-
 nus, a navium imperio Naume-
 dontis nomine clarus, post fata iam
 quasi revirescentem, quamvis ejus
 consuetudinem gravemque amoris
 impetum, fugientem, singulari ta-
 men adeo adfectu prosequabatur,
 ut idē ille Neptunus Erecthei regis
 nomine Athenis cultus, cū in Letri-
 neos agros, haut ita magno terræ
 tractu Elide distanteis, ipsamque E-
 lidem (ubi Molpidis statua, qui se
 Jovi pluvio siccitate, patriam infe-
 stante, mactandum obtulit, celebra-
 tur) additis etiam suis equis, sta-
 dio olympico decertaturum mitte-
 ret. Idque eo fine, ut de Oenomao

ejus loci domino, qui tredecim pro-
 corum sanguine Hippodamiæ filiæ
 nuptias polluerat, pœnas, quamvis
 dolo malo, consiliisque futuro Soce-
 ro noxiis, fumeret. Dolos vero,
 quibus Pelops Oenomaum vicit,
 Myrtilus Mercurii, qui Beotiis Cad-
 milus, five Deorum minister, di-
 citur, filius, quique regis equas
 Psyllam & Harpinam pedum ungu-
 larumque celeri agitatione vel con-
 citato vento certanteis, frenis tem-
 peravit, cereis clavis ferreorum
 loco modiolis rotarum insertis, ad-
 ornavit. Sublato hac ratione Oeno-
 mao; Pelops accepto cum Hippo-
 damia Elidis imperio, vel nimiam
 Myrtili cum uxore familiaritatem
 suspectam habens, vel veritus, ne
 sibi victoriæ de Oenomaio reporta-
 tæ laudem ac gloriam sibi arroga-
 ret, in adfines quidem ejus nomini
 Myrtoum mare, sed a Myrtone ta-
 men puella olim adpellatum, uni-
 verso Pelopidarum generi nefandas
 imma-

immanesque imprecantem diras,
 præcipitem dedit. Interfecto de-
 mum a Philoctete Paride, quartum
 Helena virum, ipsius Paridis rapa-
 cissimi accipitris fratrem, Deipho-
 bum habebit. Hunc inter Priami
 filios post Hæctora secundam for-
 titudinis laudem in ambiguis exitu
 præliis adeptum, in certamine de
 Helena auctore Priamo edito, victo-
 rem præcone publico pronuncia-
 bunt. Quintum denique Achillem,
 qui post fata in Beatorum insulis
 Medææ, Cytæa urbe Colchidis ori-
 undæ, Jasonemque aduenam depe-
 rientis, futurus est conjux; in cu-
 bili ex insomniis ficta specie obver-
 sante animo conturbatum, visumq;
 sibi cum ea consvesse, non verum
 sed imaginarium habebit maritum.
 Achillem hunc, Græcorum illud
 fulmen bellicum, ex Thetide nym-
 pha, admodum stomachante se-
 Deam mortali viro connubio jun-
 ctam, e ^{et} spem pueris igne combu-
 stis,

stis, unicum flammantis ignis viribus ereptum, non tamen omnino incolumem, summa namque labra flamma decerpserat, unde etiam ei Achillis nomen est, Peleus pater suscepit. Peleus hic olim fratrem Phocum in palæstra disco, incertum incautus ne an prudens occiderat. Relicta idcirco Oenone insula, quæ postea Æginæ nomen, ab Asopi filia traxit, a patre Æaco solum vertere coactus, in Thessaliam se contulit. Ubi militum inopia laborans a Jove avo paterno, fusis ad eum precibus, obtinuit, ut formicas sex pedum numero incedentibus in virorum faciem ac agmina converteret. Unde & huic terræ Myrmidonum nomen inditum est. Alexander vero relictæ Ægypto Trojam redibit, excitis irritatisque suo cum damno prius Græcis, quos cruentarum vesparum ritu cavernis suis latitanteis, pueri instar, admoto sedibus eorum fumo, in furorem

rōrem acturus est. Græci accepta cognitaque hac injuria, confecta- que cum exercitu classe, Aulidem Bœotiae portum petituri sunt. Hic ira Dianæ, cujus cervam Aga- memnon jaculo petierat, pertinaci ventorum adversitate retenti, Iphi- geniam Neoptolemi, cui a bello no- men, πόλεμος enim bellum fonat, fortissimi viri, cœdibusque draco- nis instar deditissimi, in Scyro in- sula educati, matrem gravidamque puerperam tanquam bovem aris de- stinatum, memoranda in posteros crudelitate, ventis secundis sacri- ficare tentabunt. Diana vero Iphi- geniae miserta, ab aris abreptam in Tauros Scythiae, ubi ejus sacris ser- viret, transferet. Achilles rursus, cui simulatis nuptiis ab Agame- mnone desponsata erat, hac re cogni- ta, per plurima intra Pontum Euxi- num, cujus Salmylessus finis est, Iphigeniam immitis deæ sacris præ- positam, Græcosque suos conter-

raneos miseris modis capite ple-
 tentem, loca quærendo, oberrans,
 Leucem insulam ad Danubii palu-
 dosa ostia, desiderio suæ conjugis,
 quam olim cerva a strictis in jugu-
 lum ejus gladiis liberabit, incolet.
 Dum hisce locis clades ac infortu-
 nia sua, vanamque per tot pericula
 navigationem, deploraturus est,
 comperiet insuper adamatam sibi
 tantopere Iphigeniam, dum inter
 pateras ac mulctra, quibus victi-
 marum sangvis excipitur, ætatem
 agit, effervescentemque ex imo
 flammante igne Plutonis ollam,
 qua interfectorum viscera ac car-
 nes coquendi arte singulari elixat,
 admotis ignibus sufflatura est, prio-
 ri amissa specie, anilem formam sibi
 antea invisam duxisse ac induisse.
 Itaque ad abolendam suorum ma-
 lorum memoriam, stadium curso-
 rium circa Borystenis fluvii ostium
 in loco fasciæ instar in mare excur-
 rente, deserto lato arenosoque, insti-
 tuet,

tuet, quod ducto de eo nomine Dromus Achillis adpellabitur. Atq̃ sic Achilles Scythicam regionem gremebundus ac lugens Iphigeniæ causa, cujus nuptias tantopere cupiet, quinque circiter annos incolet. Dum hæc ab Achille aguntur, Græci in Aulide portu deo sacra facturi, futurorum præscii Jovis saturnii circa aras, serpentem octo pullos cum matre devorantem ex improvviso videbunt. Calchante vate hoc ostentum de novennali ad Trojam obsidione interpretante, sacramenti religione secunda tum se devotebunt (prius namque in Tyndari domo, cum Helena Menelao elocanda esset, juramento se obstrinxere, eum se pro hoste habituros, qui Helenam vi raperet) Troja non prius discessuros, quam urbem suæ ditionis fecerint. Igitur præsentissimis animis, lacertos remis armantes, iter ad Trojam quanto ocius maturabunt. At locorum itine-

risque ignorantia Mysiam appulsi,
a Telepho ejus loci rege hostiliter
excipientur. Bacchus vero, qui
sub tauri imagine, quod ebrios in
furorem agat, apud Cyzicenos &
Argivos colitur, vite Telephum
supplantabit. Periculis hisce su-
periores, incolumes Bœotiam repe-
tituri, priorum calamitatum ac cla-
dium averruncatorem Bacchum
hymnis bacchico ritu prosequentur.
Causa vero cur se adiutorem Bac-
chus Græcis addiderit est, quod o-
lim Agamemnon mille dux navi-
um, exitiosique exercitus impera-
tor, Delphis in interiore templi par-
te Apollinisque antro, (qui Delphi-
nii nomen, vel ab occiso Delphine,
vel quod aliquando ipse in Delphi-
nem mutatus sit, Lucrosique ad-
pellationem, quod communem cum
Mercurio, qui quæstibus præest ac
lucro, habuerit aram, meruit) ipsi
nocturna occultaque sacra fecerit.
Bacchus Enorches Lesbiiis, Phigal-
leus

leus Arcadibus, Lucernalis, quod accensis facibus ejus sacra peragerentur, dictus, horum sacrificiorum recentem gratiam memoria repetens, Telephum leonis instar, viribus ferocem, dapibusque praesentibus exultantem, viniferæ arboris palmitibus plantam ejus implicando, coercebit, ne dentibus ad secandum compositis, maxillisque voracibus amplissimam Græcorum messem, tanquam spicas radicitus perdat. Dudum jam mente præcepi conferta malorum agmina, junctis navibus, se invicem composito ordine mari excipientia, truces minas funestaque incendia patriæ meæ advolvere ac minitari. Nunc ad te, Pryli, vatem in Græcorum favorem auspicatissima quæque vaticinantem, quique iis Lesbum insulam delatis, Trojanorum consilia & rationem capiendæ per equum danteum urbis aperuisti, me converto. Utinam te Mercurius, infelicis At-

lan-

lantis ex Maja nepos, quique Cadmi nomine apud Bœotios colitur, in circumflua undique aquis Lesbo, quæ & Issa dicitur, Græcis consiliorum ducem, cognatorumque tuorum (Dardanus namque gentis nostræ conditor, Electram Atlantis filiam habuit uxorem) everforem nunquam genuisset. Certe nec pater meus Priamus, Æfaci, ex Arisba, filii sui somniorum noctu hinc inde libere vagantium interpretationes, tanquam vanos delirantium vatum terrores, respuere debuisset. Æfacus enim, audito Hecubæ insomnio, quo, gravida, facem sibi, qua, tota ignibus hauriri videbatur Troja, parere visa est, monuit, ut matrem Hecubam cum Alexandro filiolo, in imperii Trojani ruinam nato, subjecto igne, qui in Lemno insula primum creditur repertus, in cineres redigeret. Si hoc factum fuisset, profecto tantorum malorum fluctus patriam inundaturi, capitibus

bus nostris non imminuissent. Jam ecce, Incolæ etiam Tenedi insulæ, ubi Melicertes Inus filius, infantum victimis, quod puer ipse olim perierit, honoratur, Thetin titanidum unam, Oceani conjugem, qua adpellatione cuncta maria cum Tenedio veniunt, navibus suo adparatu instructissimis, tanquam mergis undique contactam videbunt. Achilles ad hanc insulam adpulsus, Cycnum Neptuni ex Scamandrodice nymphea filium, in tenera adhuc ætate juxta mare expositum, ostreis magis incurvisque neritis, quam hominibus sœvetum; quemque deinde piscatores Cycni advolantis indicio inventum, cum ferro non cederet, valido in humeros accaput ejus adactō lapide, interficiet. Nec hac victoria, quam de patre reportaverat contentus, morte etiam Tenum, nomine Cycni, re Apollinis filium, adfecturus est, Hemitheia sorore a terra absorpta. Ne dum

dum illis parcendum ratus, quos tamen Deorum favor maris sævitiae ereptos voluit, cum pater Cycnus, nefandus ille suorum liberorum interfectoꝝ, deceptus Philonomes novercæ calumniis, quibus Tenum, ejus libidini non obsequentem, tanquam vim sibi intentantem, apud patrem, Molpi tibicinēs falso testimonia adjuta, eos capta circumseptos, fluctibus jactandos commisit; qui aliquamdiu mari circumlati Leucophryn insulam, quæ postea nomen ab hac Teno, facto ejusdem loci domino, traxit, adpulerunt. Sera tandem pœnitentia Achillem subibit, cum viderit Tenum a se interfectum. Mater namque Thetis sedulo monuerat, ne quem filiorum Apollinis vivorum numero eximeret: Idcirco additum sibi de more ab ea monitorem, quod matris præcepta oblivione lapsus sibi in memoriam non revocaverit, adactō perpectus mucrone, simul cum iis, de

de quibus nobis sermo erat, in mortem pronum præcipitabit. Adhæc oculis meis obversatur Myrina oppidulum, Trojæ vicinum, Amazonum opus, ubi Trojani nec gemitibus nec lacrymis temperabunt. Loca ripis vicina hinnitu advenientium equorum percussa, quantamcunque acceperere vocem, quasi cum gemitu redditura sunt, cum Achilles Theſſalus efferveſcentis ira lupi inſtar, ultimus Græcorum, (oraculo namque edoctus mortis periculum eum manſurum, qui primus in terram proſiluerit) pernici pedum ſaltu, vehementique in terram imprefſione, fontanam ex arena eliciendo aquam, fontes olim opertos aperturus editurusque eſt. Profecto Mars, fulmen illud bellicum, cui a bellio crepa ſaltatione, ſaltatoris nomen inditum, cruento edito claſſico, patrium ſolum igni ferroque vaſtabit. Quocunque oculos circumfero, ſemper illis totius terræ

terræ immanis vastatio obversa-
 tur. Campi confertis lanceis auro
 præfulgentibus, ritu agrorum am-
 plissima segetis messe luxuriantium,
 horrent. Porro in loco ubi custo-
 dita fervor, tantus mulierum luctus,
 planctu, vestimentorumque lace-
 ratione mœrorem testantium, qui
 aliam post aliam, propter marito-
 rum cladem occupaverat, summis
 e turribus, auribus meis adeo per-
 sonat, ut supremam cœli partem i-
 psamque æthera contingat. Hoc
 vero infortunium, o pectus ac
 corculum meum infelicissimum,
 omnium malorum gravissimum te
 miris modis lacerabit; Cum Achil-
 les pugnacis instar, ac nigræ cæsiæ-
 que aquilæ, venationi avium ad-
 suctæ, Hectora Apollinis Ptoi, sic
 vel a Thebanorum montē, vel Ptoō
 Athamantis ac Themistis nato, di-
 cti, filium, omnium mihi fratrum
 amantissimum, alis infremens, un-
 gribus sublimem non modo rapiet,
 sed

sed etiam rostris corpore lacerato,
 victoria insolens, confuso immani-
 que clamore, se jactabit. Et ut eo
 testatiorem victoriam faciat, patrio
 more, currui adligatum, aratoris
 instar, qui terram aratro vertit ac
 scindit, reciproco tractu ac in se i-
 psam redeunte circulo, impressam
 semel orbitam sequuturus, cæde ac
 sanguine domesticos saltus campos-
 que Trojæ finitimos fœdaturus est.
 Jugulato interfectoque hoc modo
 Hectore, viribus ne tauro quidem
 cedenti, demortui cadaver Priamo
 patri non prius restituet, quam pre-
 tii loco æquilibre ejus corpori au-
 ri pondus, exacta trutinæ lance ad-
 pensum, acceperit. Achilles rur-
 sus, captus amore Polyxenæ & sub-
 specie matrimonii cum ea contra-
 hendi, in Apollinis Thymbræi tem-
 plo a Paride interfectus, non prius
 hic Hectorei cadaveris venditor
 Græcis reddetur, quam pro redem-
 tione idem auri pondus, Pactolo Ly-
 diæ

diæ fluvio collectum , colorequē
candenti ferro simillimum , restitu-
atur. In Græcorum tandem ma-
nus delatus , cremato de solemni
more corpore , in urna, quam olim
Vulcanus Baccho, hic Thetidi, illa
Achilli dederat, musis, quæ Bephy-
rum Macedoniae fluvium , Libe-
thrum ejusdem regionis montem,
Pimpleamque fontem accolunt, de-
ploratus condetur. Hunc quidem
nater Thetis oraculo edocta, Tro-
iam si peteret, exiguo temporis spa-
tio superfuturum, in Scyrum insu-
lam ad Lycomedem mittet. Ubi
mortis formidine , deposito virili
habitu, femineam sustinebit corpo-
ri vestem inducere, manusque per-
texendæ telæ adplicabit ; hic loci
tam diu latitaturus, usque dum U-
lyssis solertia, Græcorum ultimus,
in Trojanum solum pedem infixu-
rus, tua, amantissime mihi Hector,
etiam in somnis hasta territus. O
Jupiter qualem familiæ infelicique
patriæ

patriæ columnam ac fulcrum, occiso Hectore subtrahes? Hujus namque ruinam cetera sequutura. Non impune tamen, nec sine sudore acerbisque laboribus ac luctu gravi, Græcorum, qui etiam Doriensium nomine a Doro Hellenis filio veniunt, exercitus, prædonum instar res alienas involans, risu convitiisque demortui fato insultabit. Sed priusquam vivis excedat, Græcos Trojæ portis ferociter imminenteis victoriaque elatos, patria urbe discedere non modo coget, sed etiam ad naves suas repulso, in extremas angustias redacturus est. Has circum currens, injectis facibus, multis vitæ curricula interfecabit; Græci rursus, votis Jovem averruncum fatigabunt, ut a pressis vexatisque hanc fatorum acerbitate amoliatur ac arceat. In illo rerum articulo nec in terram demissa altius fossa, nec objectum navalibus stationibus munimentum,

C 2

nec

nec palis vallata pinna, nec muro-
rum suggrundia, nec denique pro-
pugnaculorum quodcunque genus
Græcis proderunt. Sed ut apes, dum
alvearia castrantur, fumo commistæ,
fuliginis jactu, torriumque vibra-
tione facile dissipantur: sic hi per
puppes ac proras transtrorumque
sedes vitæ consulturi, urgente ho-
stili ferro, conferti ac in caput re-
voluti salient; Tandemque pere-
grinum sibi Trojanum solum san-
gvine ac cruore suo misere fœda-
bunt. Optimatum vero Græco-
rum multos, Patroclum, Ascala-
phum, aliosque puta, domi nobiles,
primaque inter suos spolia adeptos,
nataliumque splendore tumentis,
tua, mi Hector, fortitudo validæque
manus nunquam non cæde scaten-
teis ac ad pugnam expeditæ, eum
in modum conterent, ac qui lanam
particulatim dividunt carminantque.
At ego luctum non mediocrem fe-
ram adsidue tuos ad tumulos præ-
matu-

matura fata lugendo: Omnium enim, quas oculis unquam usurpavi, miserrimam luctuosissimamque ac cladium magnitudine reliquas longe vincentem illam videbo lucem, cui parem nulla annorum series, lunæ revolutionibus mensurari solita, vel vidit, vel visura est. Si quis animo ulteriora sequatur, nec hic calamitatum finem reperiet. Heu, heu! Tuis etiam, mi Troile, ingemisco malis, quem in flore ætatis pulli instar gestientem, quasi latens quoddam germen, fratrum suorum delicias ac amplexamentum, Achilles ingenio ac moribus ferox, cupidinis illecebris ignitisque jaculis ictus, ac laqueis haut facile evitabilibus comprehensus, cum se sentiret amoris stimulis faucium, te vero reciproco adfectu vacuum, exiguo tempore interjecto, ex amatore in sævum draconem conversus, ad Apollinis Thymbraei aram, qui verus tuus genitor est, crudeliter de-

collatum morti dabit. Eximium
etiam sororum mearum gemitibus
deditissimum par, Laodicen ac Po-
lyxenam, Hecubamque infelicissi-
mam tot liberorum matrem, ex
homine in canem conversam, lugeo.
Sororum vero unam, Laodicen pu-
ta, cum ante pedes ac præsentiissi-
mum visura est Trojæ excidium
cladiumque magnitudinem cives
excipientem, patrium solum radi-
citus dehiscens, quasi foveæ inclu-
sam, absorbebit. Idque ad avi sui
Trois vel Ili sepulcrum, in campo,
quem Simoëis fluvius suo alveo in-
tersecat, fiet; ubi Cilla, Hecubæ
soror, quæ clam cum Priamo con-
sueverat, incertique nominis filium
partu ediderat, cum puero vitam
cum morte commutavit, prius-
quam vel lac maternum hauriret,
vel corpus aqua lustrandum nutrici
præberet. Tuis vero, Polyxena,
Neoptolemus Iphigeniæ ex Achil-
le, leonis instar viribus ferox odio-
que

que omnium dignissimus, filius,
cum pater vivus cupitis speratisque
potiri amplexibus non posset, ad
tumulum ejus cruda sponsalia, nu-
ptialiaque sacrificia horroris plena,
matris potissimum Sacra, in Schytia
hostiis humanis Dianæ litantis,
imitatus, celebrabit. Iphigeniam
hanc Diomedes, vel alius quivis
Græcorum crudelis ac vorax dra-
co, quasi vaccam vittis caput redi-
mitam, Martis, qui & Candaon,
quod cuncta ferro ignique vastet ac
frangat, dicitur, ense, a tribus Cy-
clopibus, Cotto, Gyge, Briareoque
fabricato, super profundo vase, quo
victimarum sanguis in sacrificiis
excipitur, decollabit: Græcisque
luporum instar Trojanæ prædæ in-
hiantibus, primum in Aulide Bœo-
tiæ portu humanis sacrificiis adhi-
bitis, jusjurandum iciet ac sancibit.
Te demum Hecubam, jam natu
grandem, in sinuoso Doloncum lit-
tore, (populi sunt Thraciæ). pa-

triis laribus avulsam, convitiosis
 maledictis irritata Græcorum con-
 cio, exutam prius hominis formâ,
 indutamque canina specie, lapidum
 multitudine, quasi quodam integu-
 mento, copiosissimoq; imbre, oc-
 cultabit ac obruet. Podarches ve-
 ro, qui, capta ab Hercule Troja,
 Hefiones sororis flammeo, anti-
 quo nomine æternis tenebris dam-
 nato, inque Priami commutato, in-
 haustam ignibus patriam rediit in-
 columis. Nunc circa Jovis Her-
 cæi, cui & Agamemnonis nomen
 tribuitur, aram a Neoptolemo ra-
 ptabitur, canaque cæsarie cruen-
 tum sanguine solum verret. Idque
 tum præcipue, cum Antenor versi-
 pellis ille ac in omni consiliorum
 genere varius vir, chelydro nocen-
 tissimo animali marino, felle tu-
 menti, pilisque horrido, non ab-
 similis, spe imperii in intimo ma-
 ris Adriatici recessu obtinendi, ter-
 ram, quæ eum genuit aluitque,
 Græ-

Græcis prodere non verebitur. Introducto nimirum in urbem durateo equo, terribili hostium cohorte quasi prægnante ac referto, ad accensam concubia nocte pestiferam facem, conferta virorum robora, ventre recluso, in omnium nostrum capita inducturus est. Sinon adhæc, Ulyssis astutissimæ illius vulpeculæ, qui ad Sisyphum, hominem ingeniosissime nequam, natalium originem refert, ex Æsimo consobrinus, (Anticlea namque Ulyssis mater, & Æsimus iisdem parentibus editi) Græcis, simulata fuga ad Leucophryn, quæ & Tenedos dicta, duasque ei conterminas Calydnas, delatis, unde serpentes egressi, qui Laocoontis filios in Apollinis Thymbraei templo interemerunt, funesta nobis face, ex editiori loco tempus Trojam repetendi monstrabit. Ego vero infelix Cassandra, olim in disciplinam a patre Priamo, ut artem prædicendi futura ediscerem,

Apollini tradita sum; qui, inter
docendum mei amore captus, pe-
ritissimam me ejus artis se effectū-
rum pollicebatur, si copiam mei
ipſi facerem libidinique ejus obtem-
perarem. Sed cum innuptæ Palla-
dis exemplo (hæc Laphriæ nomi-
ne Meſſeniis ac Calydoniis colitur;
adhæc ædium foribus ac urbium
portis adpoſita, Janitricis adpella-
tionem meruit) perpetuæ virgini-
tati devota, apud me quidem im-
mota lege conſtituiſſem, connubii
expertem, ad ultimam ſenectutem
vitam agere; artis tamen ediscen-
dæ cupida, promiſi, ejus libidini me
ſatiſfacturam: hanc vero edocta,
recuſatis nuptiis, Apollinem, quem
Genitalis nomine in Delo veneran-
tur, Horarium vero vocant, quod
anni tempora certis intervallis di-
ſtingvat, quique Ptous a monte
Thebanorum dicitur, meum con-
cubitum avide ambientem, lectis
excuſſi. Hic fraude ſibi facta do-
lens

lens, id apud Priamum omnesque
 alios effecit, ut non pro vate fati-
 dica sed delirante ac infana me ha-
 berent. Eoque tandem rem de-
 duxit, ut habitationis locum vir-
 ginibus alias debitum, cum turri
 lapidea cœnaculis carente, tectoq;
 nudata, jussu patris commutarem;
 ubi corpus meum, mollius tractari
 fuetum, obscuro carceri tanquam
 profundo mari immerfi. Occupata
 sic dolo fraudeque Troja, ab Ajace
 Oilei filio, vulturi harpæque rapa-
 cissimis avibus simillimo, tanquam
 viribus imbellis columba, moribus-
 que innocens turtur, ad ejus con-
 cubitum crudeliter raptabor. Et
 quamquam submissis precibus ad
 Minervam semper virginem, quæ
 Theſſalis ab urbe cognomine Bu-
 dæa, Megarenſibus Sulica dicitur,
 supplex confugerim, frustra tamen
 ejus opem injuriæ avertendæ invo-
 cabo. Illa vero, quæ olim Troiavo
 regi cœlitus Jovis e folio delapſa,
 pos-

possessio certe repertu dignissima,
 sceleris magnitudinem exosa, oculis
 in tectum, cœlaturis variis distin-
 ctum, defixis, vehementer toti
 Græcorum exercitui irascetur. U-
 nius autem Ajacis nefandi sceleris
 causa, omnis Græcia, filiis magno
 numero desideratis, inania eorum
 monimenta, non urnis hydriisque
 imposita, quibus, officio defunctis
 debito, supremi cineres tegi con-
 dique solent, sed in cavernosis sco-
 pulis clementer supra aquam emi-
 nentibus, erecta, lugebit: adeo ut
 Deorum ira nihil illis nisi nuda ac
 miserabilia nomina cenotaphiis ho-
 norariisque tumulis inscripta, quos
 parentes filiis orbati, uxores mari-
 tis avulsæ, filiique patribus desti-
 tutæ, calentibus lacrymis superfun-
 dent, reliqui factura sit. Orationi
 meæ fidem Eubœæ sinuosi recessus
 scopulis infames facient. Ad vos
 enim Ophelta Zarax, Trychanta,
 Nedon, Dirphosse, Diacriorum
 gurge-

gurgites Phorcique claustra, circumfuffumq; his scopulis mare provoco. Quot quælo morientium suspiria, semifractis navigiorum tabulatis, sævitia maris ejectorum audietis? Quot quantosque tumultus impervium ac furibundum mare, ventorum impetu adeo exasperatum, ut reciprocis vorticibus quasi scopulos Syrtesque secum trahat, ciebit? Quot demum Græcorum erunt, quos immissum a superis noctu fulmen, consumet, quique Thynnorum piscium ritu cautibus incurfantium, scopulis vi fluctuum allisi, capitis juncturas ducto, quasi fulco divisuri sunt. Idque tum potissimum temporis eveniet, cum pestis hominum Nauplius, Palamedis filii sui, Ulyffis ac diomedis dolo circumventi, mortem ulturus, reduci jam ex Troja victori Græcorum exercitui, vino largius sumpto crapula caput gravato, facem ignibus coruscantem
ex

ex Caphareo Eubœæ promontorio,
Sedulus adeo fraudis studiosus, ut
nullis vigiliis parceret, ostensurus
est. Græci ad hujus lampadis lu-
cem, cursum dirigentes, portum
rati, quidquid fere ipsis est navium
perdituri sunt. Ajacem fane Oilei
filium, halcyones Phagrique piscis
instar pelagi profunda lustrantis,
marini fluctus, vestibus nudum per
angustum fretum, quod inter My-
conum & Tenum insulas est, mise-
ris modis jactaturi sunt. Tandem
in Gyarum tempestate rejectus, fic-
catis avium ritu pennis, aqua ma-
didis ac stillantibus, undis ereptus,
cuculum loquacissimam avem imi-
tatus inconsulte effutiet; se etiam
diis invitis domum rediturum.
Neptunus vero, qui λαρρεὺς dictus,
quod Laomedonti condita merce-
de Trojæ muros ædificaverit, hu-
jus jactantiæ acerrimus vindex,
tricuspide hasta scopulis detur-
batum, hianti ore maris falsu-
ginem

ginem iterum haurire, unaque
cum balænis fluctibus circumferri
coacturus est. Demum instar del-
phini, quem mors occupaverat,
ejus corpus ventorum agitatione
in littus expulsum, solis calor æ-
stusque arefaciet. Undis aliquan-
diu jactatum cadaver, levi ex suc-
co marino contracta falsugine, in
algis ac musco deinde putridum,
Nesææ soror Thetis, quæ Jovi
(Hic Arcadibus Cynætheus, a co-
gnomine ejus regionis urbe dictus)
cujus loco olim Rhea mater, Sa-
turno patri, lapidem devorandum
obtulit, aliis diis illum solo detur-
bare volentibus, consilio & re ad-
stitit, hujus miserta, ritu solemni se-
pulturæ traditura est. Ajacis vero
tumulus in Mycone insula non lon-
ge a Delo, quæ ab Asteria Latonæ
sorore in alatam coturnicem con-
versa, etiam Ortygia dicitur, extre-
mo in littore erectus, undarum vio-
lentia adeo obnoxius erit, ut illis
in

incurfantibus quasi tremere ac concuti videatur. Damno itaque suo edoctus, tristis ac lugubris apud inferos Venerem, quæ Castnia a Castnio Pamphiliæ monte, Melinaea ab urbe Argivorum Melina dicta, gravissimis convitiis onerabit, quæ illum vinculis haut facile solubilibus, quasi laqueis constrictum, in talium deliciarum studium excitaverit, quæ præsentissima morte comitata, furiarum ac oestri potius, quam veri amoris nomine venire debuerint. Omnis porro Græcia Arætho Epiri fluvio, Dotiique in Thessalia angustis faucibus Libethriæq; inaccessis montibus, comprehensa, immensos dolores luctusque devoratura est. Incolis enim ejus, non solum adhuc vivis ac superstitibus, sed etiam fato functis ac ad Acherontis fluvii infernalis littus sine exequiarum honore agentibus, illata mihi ab Ajace injuria calamitati erit.

In.

Infinitus namque numerus , balæ-
 narum maxillis multiplici dentium
 serie munitis, devoratus , earum
 visceribus sepulcri loco ufurus est.
 Alii rursus in hostili ac peregrino
 solo , ipsi etiam peregrini , cogna-
 torum omnium consortio divisi, tu-
 mulis suis inferendi sunt. Phœni-
 cem quippe , provectæ jam ætatis
 virum, Phagroque contractæ pellis
 pisci simillimum, Eone urbs Bisalti-
 ca prope Edones in Strymonis flu-
 vii ripa sita, Absinthiis Bistonibus-
 que Thraciæ populis contermina-
 tumulo , priusquam Troja redux,
 Tymphrestum ejus nominis in Tra-
 chiniis Thessaliæ , collem , oculis
 usurpaverit, conditura est. Hunc
 Pater Amyntor omnium mortali-
 um maximo profecutus odio ,
 quod svasu Cleobulæ matris , alii
 Hippodamiam vocant, paternæ pel-
 licis lectum adulterino concubitu
 fœdaverit, perforatis quasi tere-
 bro luminibus, oculis orbavit. At

D

Chi-

Chironis arte videndi facultate
 reddita, a Peleo, Achilli, morum
 actionumque moderator additus
 est. Adhæc Calchanta, Idomene-
 um, & Stenelum, ætate graves,
 laris haut absimiles, saltus, qui cir-
 ca Cercaphum, Colophonis in Jo-
 nia montem, non procul ab Alen-
 te ejus regionis fluvio, condituri
 sunt. Primus horum Calchas, haut
 cycno fatidicæ avi dispar, ab Apol-
 line, qui Molossis Epiroticæ genti,
 Molossus, *κυπεύς*, quod calore instar
 vestis, nos tegat ac foveat, *κοιτῶν*
 sive cubicularis quod rerum gene-
 rationi præsit, dicitur, futurorum
 scientia ornatus est. Troja capta,
 Colophonem, socio itineris vate
 Mopso petiturus, artis æmulum ad
 improvissum callidumque certamen
 provocare haut ambiget. Oblata-
 que forte ficu, prior Calchas quot
 grossos, dicet, hæc arbora alit?
 Mopsus, decies mille cum mo-
 dio respondebit. Hic rursus, vi-
 fa

sa sue grāvida, quot illa procellos
 utero ferat, quave die partum edi-
 tura? Cachus, ignorantia propo-
 sitæ quæstionis obmutescens, ac
 in vaticinandi arte inferior disce-
 dens, Apollinis oraculi memor, quo
 illi mors prædicta, quam primum in
 vatem se præstantiorem, incideret,
 animi mœstitia periturus est. Alter
 etiam Idomeneus, qui ad Jovem
 sub Erechthei nomine Athenis cul-
 tum, genus refert; (Jovis quippe
 filius Minos, illius Deucalion, hu-
 jus Idomeneus ac proinde quartus
 a Jove, ipso auctore stirpis connu-
 merato]cujus se germanū olim fin-
 xit Ulysses, ex decennali errore Itha-
 cam reversus, suo nomine in Æ-
 thonis commutato, ut suis falsa hi-
 storia inluderet, quibus innotesce-
 re noluit, regno Cretenfi expul-
 sus, in Cercaphi saltibus sepelietur.
 Denique Sthenelo etiam Capanei fi-
 lio suprema funera hinc elocis ce-
 lebrabuntur. Hic Capanūes cum
 furia

furiae Noctis soboles ac propago ,
 Oedipi filios Eteoclem & Polyni-
 cem in libidinem mutuae cædis ar-
 marent , inconsulte effutiit ; ne sa-
 crum quidem Jovis ignem , prohi-
 biturum quo minus Thebanorum ,
 qui & Ecteni adpellantur , turrets ,
 agricolæ instar , ligone terram ver-
 tentis , subrueret. Jupiter vero ,
 fulgurator , consiliarii nomine Athe-
 nis cultus , Pistorque ab ejus artis
 inventione vocatus , contumeliæ
 hujus impatiens , fulmine , violento
 illo flagello , capite contrito , vivo-
 rum numero exemit. Mopsus
 insuper & Amphiloachus Apollinis
 Deræni , sic ab Abdera Thraciæ
 urbe dicti , fidissimi satellites ac mi-
 nistri , cum in Ciliciam simul delati ,
 Amphiloachum Argos secedendi
 cupiditas invasura est : Idcirco Mo-
 pso sacerdotium suum in annū ser-
 vandum traditurus est , eoque e-
 lapso , cum constanter abnuerit Mo-
 psus , suæ fidei concreditum redde-
 re

re ad Pyrami amnis ostia, sub Megarfi urbis, sic ad Pamphili nata dictæ, turrium radicibus, mutuis cædibus, ipsis mortalium operum ultimo prælio decertaturi sunt. Inter gemina autem consecrata hisce duobus sepulcra, altus aquis exesus tumulus extruetur, ut ne mortui quidem inferorumq; sedes ingressi, mutuo cruore respersa alter alterius sepulcra videant. Quin & Teucer, Agapenor, Acamas, Cepheus, Praxander, in Cyprum, quæ etiam Sphecea ab incolis, qui σφῆκες appellati, Ceraftia a promonteriorum numero dicta, delati, ad Satrachum ac Hysten Cypri urbes, quarum posterior Apollini Silvano sacra, sedes fixuri, propè Venerem, quæ Morpho, quod formæ præsit ac pulcritudini, Zerinthia a Thraciæ antro dicta, habitaturi sunt. Primus horum Teucer sanguinis quidem vinculo mihi conjunctus, Hesionæ quippe Priami sorore editus, eaq;

de causa ob externam maternæ stir-
pis originem , filius adulterinus
suis habitus , cognatorum tamen
præsentissima pestis , ob segnitiam
non vindicatæ fratris Ajacis inju-
riæ , quam ab Ulyssæ , Achillis armo-
rum ablatione gravem adeo acce-
pturus est , ut in publica populi
concione causa cadens , proxima
nocte in rabiem actus , omnem
impetum in ovium greges , Græ-
corum procures esse ratus , effu-
surus sit ; Telamonis genitoris cri-
minationibus , tanquam paterna-
rum deliciarum occisor , Salamine
insula , quæ etiam Cychrea dicta ,
Bocaroque ejusdem loci flumine
expelletur. Eundem hunc Aja-
cem olim Hercules , ad Telamo-
nem patrem , tunc maxime Jovi ,
qui Comyri nomine Halicarnassen-
sibus colitur , solemnia exta ado-
lentem divertens , ulnis quasi aquil-
læ pullum exceptum , pelle leonina ,
suorum humerum gestamento ,
quam

quam Nemeo leoni, ipse ferocissimus leo detraxerat, donavit. Ad-
ditis insuper precibus a patre Jove
impetravit, ut corpus ejus hoc in-
tegumento involutum, nullo ar-
morum genere, vulneribus foret
obnoxium. Sed cum ea corporis
pars in Ajace nuda remansisset,
quam olim in Hercule pharetra i-
psi a Teutaro Scythia data, texerat,
unam solum ad orcum inferorum-
que manes, viam sortitus est. At
Teucer patri Telamoni non per-
suadebit, Ajacem, armis in Lemno
fabricatis exultantem, rapidissi-
mum illud bellonæ fulmen nun-
quam infugam verum, sed fero-
cientis instar tauri, hostibus acri-
ter instantem, Hectoris inimicis-
simi sibi hostis gladio, quo in sin-
gulari certamine, spectante utroq;
exercitu, donatus est, viscera ac
pectus dirupisse ac funesto saltu,
sua sponte in gladium pronum,
mortem sibi procurasse: Sed pro-

cul ē patria Teucrum expellet :
 huic frater Trambelus, quem He-
 fione Priami soror, viro fortissimo
 Telamoni, in honorarium victoriæ
 præmium data, quod Trojæ mu-
 ros Hercule eam oppugnante, pri-
 mus adscenderit, operamque
 suam, ejus turribus ac muni-
 mentis subruendis fortiter com-
 modaverit, peperit. Hanc, me-
 dio convocatæ concionis civi-
 um occupato, Phœnodamas, trium
 filiarum pater, ut fortium pericu-
 lum a natarum capitibus in Laome-
 dontis domum converteret, orato-
 ris vicem ad populum functus, ce-
 to, cœsio illi marino cani, in diram
 execrandamque cœnam, expo-
 nendam suavit. Cetus hic, immen-
 sâ adeo molis fertur, ut cum hau-
 stam ore undam faucibus eructa-
 ret, parum abfuerit, quin totam
 terram falsugine superfusam sic a-
 qua dissolverit, ut in lutum cœ-
 numque cuncta converterentur,
 decu-

decumanisque fluctibus omne so-
lum concuteretur. At pro Hefio-
ne, piponi avi speciosissimæ, haut
dispari, Herculem cædibus scorpîi
instar adsvetum, vetusto gutture
haufit, tandemque suo cum damno
infelix didicit, hanc prædam sibi
magno constitisse, cum Herculem,
gravidus insolito partu, ruptis vi-
sceribus in lucem ederet. Secun-
dus dux Agapenor in Cyprum tem-
pestate rejectus, longæ navigatio-
nis, cladiumq; inde ortarû remedi-
um apud Deos quæsiturus adscen-
det. Hic Arcadum, inculta in Pe-
loponneso mediterranea loca tenen-
tium rex; quibus sociis sodalibus-
que bello mensaque usus est. Ge-
nus suum ad Arcadem, qui ducta
Erato dryadum una, de se genti
nomen indidit, refert. Arcades
hi, a Lycaone, quod Nyctimum fi-
lium in frustra divisum, Jovi malo
dolo comedendum adposuerit, in lu-
pum a Jove converso, lupifomes di-

Et, ultimæ adeo antiquitatis se esse
 gloriantur, ut etiam luna priores
 se jactent; ac cum ante Pelasgi tem-
 pora herbis incautius vescerentur,
 extrema hyeme, glandibus can-
 denti cinere tectis tostisque,
 panum vicem supplent. Hic, in-
 quam, Agapenor, Cyprum adve-
 ctus animum fodiendo æri, cujus
 insula feracissima, extrahendisque
 metallis adplicabit, ligonique ma-
 nus, omnes terræ viscerum recessus
 scrutaturus, admovebit. Agapeno-
 ris pater Ancæus fuit, quem aper
 in Oeta primum monte commo-
 ratus, in Ætoliā dein, ubi urbs
 Calydon, irruens, fulmineis denti-
 bus lacerato ejus circa inguinis ver-
 tibula corpore, occidit; infelix suo
 damno ac jactura didicit, Parcas hu-
 manarum rerū præfides ac arbitros,
 multa inter calicem supremæque
 labra volvere. Aper rursus, aspe-
 ris fetis horrorem augmentibus,
 insignis, ac albicante tabo totus
 candi-

candicans, a Meleagro interfectus,
 sua morte, cædis sui auctori ulti-
 mam perniciem procurabit. Orta
 namque de pelle ejus ac capite
 quod Atalantæ dederat, inter ipsum
 & avunculos rixa, res tandem eo
 devenit, ut illis interfectis, ipse a
 matre Althæa occideretur. Ut non
 immerito de apro jam occiso dici
 possit, quod adhuc quasi spirans ac
 vivus, bellicosissimum hominem
 præcipiti casu in terram provolu-
 tum, certo ac mortifero ictu ferie-
 rit. Tertius demum Acamas The-
 seo natus, Cyprum visurus est.
 Theseus gigantis Ægei ex Æthra
 filius, quem pater, enssem, balthe-
 um, calceos, sub ingenti abditos
 saxo, suæ probis indicia, remoto
 lapide, adultum, gestare jussit. Cum
 olim Acamas Diomedæ socio, lega-
 tionem ad Trojanos, de repetenda
 Helena obiturus est, Laodice Tro-
 jana virgo Priami filia, libidinis æ-
 stro instar juvencæ percita, sponte
 sua

sua nullo vocante, ei concubitu missa, Munitum pariet. Hæc cum patriæ præsentissimum excidium oculis obierit, lacrymis tabefacta, integra adhuc viribus, nulloque debilitata morbo, mortem sibi ipsa consciscet. Munitum vero, in Thracia, quæ & Crestone dicta, circa Olynthum ejus terræ montem, venationi indulgentem, vipera inter angusta cavernarum latitans, venenato immitiq; spiculo, calcem feriens, de medio sublatura est. Idq; tum eventu comprobabitur, cum Æthra hujus avia, ab Acamante inter reliquas mulieres Trojanas deprehensa captiva (Helenæ namque a Paride raptæ sociam itineris se adjunget) nepotem Munitum, matris uberibus catuli instar, recens avulsum, ac clam aliis a se educatum, patris manibus servandum traditura est. Eadem hæc Æthra est, cujus fidei ac custodiæ Theseus Helenam, a se primum raptam,

ptam, Athenasque deductam, commisit; quamque solam Castor & Pollux fratres, Athenis occupatis, sororeque repetita, servitutis jugo subjecerunt. Castor vero & Pollux in ejus rei memoriam quod ex cygni ovo nati, galea, muniendo a telorum cruentis ictibus capiti, dimidiati ovi figuram referente, usuri sunt. Hi, cum hanc de Æthra pœnam sumserint adeo omni belli jure in cives domosque abstinebant, ut cuncta intacta ac quasi ex-fis a vermibus lignis, quibus signaculi loco antiquitas usa est, ob-signata, in omnium hanc urbem regionemque incolentium stuporem, relicturi sint. Hoc facto, Dioscuri eodẽ partu editi, qui & semidei dicti, quod Pollux summo Jove immortalis natus, Castora mortali Tyn-daro, mortalem genitum, alterna morte redempturus est, Laperfii ab urbæ Laconicæ Lax expugnata dicti, tantam sibi clementiæ pariter

ter ac justitiæ parabunt laudem, ut
ad fidera viam sibi adperturi sint.
Hos O! sospitator Jupiter, utinam
nunquam Helenæ, infelici omine
infaustisque avibus raptæ, vindi-
ces, in patriam mihi carissimam
miseris. Nec unquam hi instructis
quasi alarum remigio navibus, e
summa puppi, nudis pedibus cele-
rique saltu vestigium in Bebryci-
um littus, quod nunc Trojani co-
lunt, imprimant. Quin & Idæ, &
Lyncei, Apharei filiorum in pa-
triam meam adventum magnope-
re deprecor: Quippe qui, Dioscuris
leonibus istis fortiores ac com-
munem hominum fortem fortitu-
dinis laude longe supergressi. Marti
namque in totum ac Minervæ, di-
væ Bellonæ, quæ Tritoniæ a Jovis
capite, quod aliis *τρίτων* dictum, na-
ta, nomen traxit; adhæc Longatis
a Bœotiis, Homolois a Thebanis,
Juga, quod arandi artem junctis bo-
bus adinvenierit, dicta, se consecra-
runt.

runt. Hi si impetum suum in patriam meam effuderint, muris, quos duo mercenarii opifices, Apollo, Milesiis Drymius, ac Neptunus Prophantus Thuriis dicti, Laomedonti perjuro regi extruxerunt, ne unum diem hisce martis alumniis, luporum instar praeda inhiantibus, ad sustinendam vehementem eorum irruptionem, cuncta rapidissimi fluminis instar vastantem, suffecturi sunt. Et quamvis Hectora virum fortissimum domi natum factumque, hostium obicem ac propugnatorem, hominem mole corporis ne gigantibus quidem, Canastra, promontorium inter Macedoniam ac Thraciam incolentibus cedentem, ante turres haberent, Trojani victas tamen procul dubio manus forent daturi. Incredibili hic cupiditate Graecorum, exercituum duces, concreditas sibi copias temere periculis obicientes, certo teli jactu ferire gestiet. Ac primum quidem hujus

jus hastam Protefilaus optimatum
 Græciæ unus, veloci a navi saltu,
 accipitris instar, in agrum Troja-
 num primus profiliens, in se com-
 movebit; a qua prostratus, oraculi
 sortem implebit, qua editum eum
 præsentissimam mortem manfu-
 ram, qui primus pedem solo Tro-
 jano infixerit. Hoc adeo eventu
 comprobabitur, ut jam pridem
 huic quasi defuncto, Thraciæ, ubi
 Dolonci degunt, Cherfonefus, pul-
 cerrimo littore clementer main-
 marum instar adfurgente ac pro-
 minente memorabilis, sepulcrum
 paratum habeat. At nobis omni
 auxilii spe destitutis, Jupiter, qui
 Drymnius Pamphyliis, Thuriis
 Promantheus, Chiis Æthiops &
 Gyrapsius audit, propitius nostris
 partibus aderit. Hic namque, cum
 Alexander falacissimus ille erro ho-
 minumque pestis, a Menelao, præ-
 sentibus etiam Ida ac Lynceo Apha-
 rei, Castore ac Polluce Tyndari
 filiis,

filiis, hospitali convivio excipietur, reputans se in solemnibus faceris aliquando neglectum, grave adeo consobrinis fratribus, de Leucippi filiabus, mediis in confabulationibus, excitabit jurgium, ut res ad gravissima quæque ac omninifera amolienda, cædem puta, tandem spectatura sit: Frustraque dapibus, frugum primitiis libationibusque, infensum sibi Jovem, qui Cragus a Lyciæ monte dicitur, placare tentabunt. Ac primum Castor & Pollux convitiis Idæ & Lyncei, hinc inde jactis exasperati, verbis mordacibus se mutuo arrosuri sunt. Mox Apharidæ, cum Tyndaridis patrue libus, de Phœbe & Ilaira Leucippi filiabus (Aphareus namque Tyndarus, & Leucippus fratres) sibi prius desponsatis, certabunt; haut quaquam passuri quod consobrinæ justo titulo sibi debitæ; at a Tyndaridis raptæ, eorum libidini obsequantur, præsertim cum non

de more solemnī focero sponsalia
dederint. Hi præsētibꝫ animis
audaciaque aquilis simillimi, magna
telorum segete ultro citroque mis-
sa, excipiente eam Cneceo Laco-
nicæ flumine, quod fatalem pugnae
locum præterlabitur, infestis ani-
mis congressuri sunt; stupentibus
ad rem nuntiātam Lacedæmoniis,
qui etiam Pheræi a Pheris conter-
mina Messeniæ & Laconiaē urbe
dicti, cum fidem veri videbitur
superare, patrueles fratres cruen-
to adeo duello inter se esse corni-
fos. Congredientibus idcirco Ca-
store ac Lynceo, quorum ille Leo-
ni, hic tauro robore similior, Idas
victoriam ad Castoris partes incli-
naturam videns, eum eodem cum
Polluce partu editum, quercus ni-
græ truncum clypei loco objicien-
tem, missa summis cum viribus cor-
nea hasta, interficiet. Pollux rur-
sus cædem fratris ulturus, hasta
undique ferro obducta, transfixo
Lyncei

Lyncei latere, eum in terram pro-
 sternet. Idas invicti animi heros
 repetitis nequidquam ictibus, im-
 petu ad Lacedæmoniorum, qui &
 Amyclei ab Amyclo Lacedæmonis
 filio, qui urbem sui nominis Amy-
 clas statuit, dicti, sepulcra facto,
 columnam patris Apharei tumulo
 impositam, avulsurus, fervidus
 Polluci instabit. At Jupiter Idæ
 impietate, quod manes patris de-
 functi violaturus est, vehementer
 commotus, ut Pollux hasta Lyce-
 um, sic hunc fulmine perimet; atq;
 adeo ferrum ictusq; fulminis viros
 fortissimos depopulabitur, quorum
 Idas tantum fortitudinis gloria ex-
 celluit, ut ne Apollo quidem scia-
 stes Arcadibus, Orchieus Lacon-
 bus, Telphusius Bœotiis dictus,
 in jaculatorio, intensis arcus cornei
 nervis, certamine, quod cum eo
 de Marpeſſa Eveni filia habuit, pe-
 nitus contemnendum sit ratus. His-
 ce sic peractis, Idas ac Lynceus
 ad

ad inferorum sedes penetrabunt; Pollux vero & Castor conjunctissimum fratrum par, quorum hic Jove, ille Tyndaro genitus, divisa cum fratre Castore immortalitatis gloria, alternis diebus cælo hospites excipientur: ut merito de iis dici possit quod mortales simul ac immortales fuerint. Hoc itaque Dioscurorum Apharidarumque conflictu, hostilem in nostram terram impetum, Jupiter, inducta quasi quiete ac somno, franget, illorumque morte exiguum quoddam inter tot malorum agmina, solatium ac remedium præstabit. Idem tamen Jupiter aliorum immensam Græcorum multitudinem nubibus similimam, manu sua, in nostri perniciem, suis excitabit sedibus. Horum impetum frustra Anius Delir rex, Apollinis ex Rhæone filius, adhibitis quibusvis verborum blanditiis mitigare ac cohibere conabitur. Hic namque Græcis Delum insulam

fulam ad se delatis, oraculi sortem, qua editum, decimo demum anno Trojam captam iri, in memoriam revocabit, novemque annos ut apud se agant rogabit, adhibitis insuper promissis dicturus est, tres suas filias Oenonem, Spermo, Elaida, abunde quicquid com- meatus ad exercitus sustentationem re- quiratur, quamdiu in Delo, cujus mons Cynthus, circaque Inopum in- sulæ fluvium, qui occulto meatu Nilo Egypti, (hic etiam Triton dicitur) commistus, ejusdem naturæ aquas tra- here creditur, manere ipsis in animo e- rit, præbiturus. Virgines has junctim Oenotropas dictas, posteaque in co- lumbarum Specimen conversas, Za- recis, qui Rhœonis maritus, nomine tenus, re ipsa Apollinis, qui Anium genuit, neptes, Bacchus ferox ille vi- no Deus, cui Problasti, quod ei ante vites germinantes sacrum fiebat, no- men additum, hanc artem edocuit, ut quæque earum secundum nominis vim, cum vellet, posset alimenta præ- bere. Atque sic Spermo panem com- minuto hordeo conciñaret, Oeno vi- num faceret, Elais oleum procuraret.

Ad-

Adhæc laborante aliquando immo-
 dica fame impudentissimo alienas, ca-
 num ritu, invadentium terras, Græ-
 corum peregrino exercitu, Agame-
 mnon, Anii filias, sua arte commeatus
 inopiam levaturas, ad Trojam, ubi
 Rhœteæ Sithonis filia sepulcrum est,
 curabit accersendas. Atque hæc qui-
 dem a longa seculorum serie immuta-
 bili fatorum lege, Parcæ, ob ætatem
 debili corpore, humanarum casuum
 præsides volvunt. Tandem etiam ad
 implendū numerum fati debitū quint⁹
 & quart⁹ Cepheus & Praxander nec lau-
 dibus bellicis abundanteis, quippe nul-
 lius militaris classis ductores, nec na-
 talium splendore incluti, sed genere
 ignobiles, in Cyprum Veneri sacram
 Golgosque ejus insulæ gentem eidem
 devotam Deæ, pervenient. Praxan-
 der quidem Trojam profecturus mi-
 lites ex ultima Laconia plebe ac The-
 rapne ejusdem regionis urbe, se-
 cum adducet; Cepheus vero, col-
 lecti ex Oleno, Dyma, Bura, Achaia
 urbibus, exercitus ductor erit. Adhæc
 Diomedes Ilio redux comperturus est
 Ægialeam uxorem ira Veneris, cujus
 manum

manum telo hauserat, a Cometa corruptam, vitæque suæ insidiantem, Dauniorum terram, quæ Italiæ regio est, petiturus, ducto de Argis, civitate Peloponnesiaca nomine, Ægyrippam, urbem juxta Aufoniam Phylamum, ejusdem plagæ locum, extruet. Hoc facto, non sine singulari quadam animi anxietate infelicem luctuosamque sociorum sortem animo quasi prævidebit. Hi quippe deposita humana specie, relictoque hominum consortio, avium formas, coloribus oculorum, specie superbientibus, similes, induent, earumque gregibus immisti, piscatorum more, pisces venando, vitam ad oras maritimas ducere in deliciis habebunt: Diomedeamque Adriatici maris insulam, sic a suo principe dictam, habitabunt, densosque nidos editum circa collem theatri speciem referentem, aperta duplicis exitus via, certis firmisque divisionibus, in Zethi exemplum, qui ruri degens casas construebat, constructuri sunt. Miræ admodum naturæ hæc aves posteritas expertura est: Adpellente namque Barbarorum turba hanc insulam, junctim

ctim omnes ad agendas prædas se component, advenientiumque odio in abditas valles somno litaturæ se recipient. At Græcis huc delatis tanquam concivibus blandius adulabuntur; sinubus namque eorum advolabunt solita consvetaque dormitoria quæsituri; Eaque se infelices, mansuetudine præbebunt, ut etiam polentam, deque prandio superans panis frustum, manibus porrectum suaviter, testandi amoris ergo, gâniendo, tanquam ejus victus memores, quo ante usi, accipiant. Diomedi autem hujus vagieroris tristiumque cladium, vulnus Veneri inflictum, cui templum Trœzenæ a Phædra dicatum, causa erit. Ab hac enim Ægialea Diomedis uxor ad quævis audenda, lasciviamque caninam adeo stimulabitur, ut Cometam non modo in concubitus sit admisura, sed etiam in mariti vitam dolos sit excogitatura. At Diomedem hujus scelestis admonitum, Junonis, quæ Hoplosmiæ nomine Eleis colitur, templum a morte servabit.



Eruditissimo Viro Juveni
Dno: ZACHARIÆ PLAN-
TINO,
eleganti Dissertatione
Lycophronis ænigmata
solventi.

FAtidici vates, sacro gens nota furore,
Totaque Apollinei surge corona chori.
Tu vero ante omnes ades, o Priameia virgo,
Sueta Lycophroniis versibus ire comes.
En! tua Plantinus vates oracula pandit,
Pandit & eloquio carmina cæca novo.
Quanta igitur quamque est diversa hîc lucta duorum,
Auctoris veteris, nec minor illa novi.
Ille nodos torquet dubioque ænigmata sensu,
Et verum ambiguis implicat omne modis.
Huic acri studio se fabula tota recludit,
Omnis & ingenua solvitur arte modus.
Hic Priamo vates, hic si tibi, Troja, fuisset,
Carmina vix vestro foeta cruore forent.
Hoc stupet Alcides sua fata suosque labores
Indice, & incautis emta venena jocis.
Hic suo ab ingenio pernices commodat alas
Auroræ, effoetum queis fugit illa virum.
Hoc Paris in Veneres felici flumine fertur;
Dotibus his Helenæ forma decusque redit.
Cetera quid memorem Grajis ignota Camœnis,
Queisque novo vati laurea ferta virent.

gratulabundas scripsit

J. HERMANSSON,

JUVENI

*Morum elegantia Conspicuo & in literis
apprime versato*

Dn. ZACHARIÆ PLANTIN

cum

LYCOPHRONIS PARAPHRASIN

ederet,

Carmen Gratulatorium.

PLeiadum e numero, quod habet narrare, Lycophron
Chalcidicus; nobis promissid ore Tuo.
Scilicet, ut Trojæ casus Cassandra canebat:
Trojani quamvis non habuere fidem,
Namque per ambages fatorum arcana docebat!
Ceus Phrygius refluis amnis inerrat aquis.
Hæc tamen in spissis tenebris, Plantine, recludis,
Constet ut ingenium non latuisse Tuum.

ex amicitia debito cecinit

G. Wallin.

EIDEM.

Quid tibi consilii est? follers, quid mente volutas,
Tempora dum jungis studiis nocturna diurnis?
Cassandrae volvis sinuosa volumina vatis,
Multa & Trojanos casus ambage resolvis.
Præmia certa feres, tam pulchro digna labore,
Præmia, quæ claris tantum meditatatur alumnis,
Lauriferæ cœtu gentis comitatus Apollo.

Amoris & observantiæ ergo
apposuit

Olaus Roz. Oman.





JUVENI

*Morum elegantia Conspicuo & in literis
apprime versato*

Dn. ZACHARIÆ PLANTIN

cum

LYCOPHRONIS PARAPHRASIN

ederet,

Carmen Gratulatorium.

PLeiadum e numero, quod habet narrare, Lycophron
Chalcidicus; nobis promissum ore Tuo.

Scilicet, ut Trojæ casus Cassandra canebat:

Trojani quamvis non habuere fidem,

Namque per ambages fatorum arcana docebat:

Ceu Phrygius refluus amnis inerrat aquis.

Hæc tamen in spissis tenebris, Plantine, recludis,

Constet ut ingenium non latuisse Tuum.

ex amicitia debito cecinit

G. Wallin.

EIDEM.

Quid tibi consilii est? sollers, quid mente volutas,
Tempora dum jungis studiis nocturna diurnis?

Cassandræ volvis sinuosa volumina vatis,

Multa & Trojanos casus ambage resolvis.

Præmia certa feres, tam pulchro digna labore,

Præmia, quæ claris tantum meditatur alumnis,

Lauriferæ coetû gentis comitatus Apollo.

Amoris & observantiæ ergo
apposuit

Olaus Roz. Oman.



Celsius, Olof

Specimen acad., exhibens partem priorem latinae paraphraseōs Vaticaniorum
Alexandrae Lycophronis

Upsalia 1706

Diss. 55#Beibd.32

urn:nbn:de:bvb:12-bsb10839548-5